



# Die Rietstok

23<sup>ste</sup> Nuusblad van Streek Rietvallei

Junie 2013

## Algemene Jaarvergadering

Die AJV (Algemene Jaarvergadering) lê voor die deur en is vir ieder en elk van ons lede 'n belangrike geleentheid. Die besluite wat daar geneem word raak almal op een of ander manier. Lede het die geleentheid om op so 'n vergadering hul mening te gee, hulle stemme uit te bring en so 'n bydrae te maak om ook die gekose bestuur se hande sterk te maak met hul insette. Dit is belangrik dat soveel moontlik lede die jaarvergadering sal bywoon – dit is 'n heerlike langnaweek – die manne kan gerus onthou dat dit Vrouedag is – vandaar die publieke vakansiedag.

Tydens die AJV word verskeie toekennings oorhandig en, ter wille van ons nuwe lede, 'n bietjie meer inligting aangaande die kriteria vir die onderskeie toekennings.

**Erelidmaatskap** – word in uitsonderlike gevalle aan 'n lid toegeken as blyk van waardering vir lang en getroue diens aan SAWA in die algemeen.

**Nasionale merietetoekening** – vir enige besondere prestasie op nasionale-, gebied- of streekvlak. 'n Toekening kan ook aan lede toegeken word wat onafgebroke vir 25 jaar lid van SAWA is.

**Streek Eretoekening Hoër Graad** – word aan 'n lid oorhandig vir onbaatsugtige diens aan die streek gelewer oor 'n lang tydperk.

**Streek Eretoekening** – vir besondere diens aan sy streek oor 'n tydperk. Dit kan net eenmalig aan 'n lid toegeken word en daar moet 'n tydperk van twee jaar verloop sedert die Streek Merietetoekening aan die lid gemaak is.

**Streek merietetoekening** – vir enige prestasie of diens wat aan die streek gelewer is. Hierdie toekening kan meer as eenkeer aan 'n lid oorhandig word. Lede wat 5 of meer lede per jaar werf, kwalifiseer ook.

**Rietvalleier van die Jaar** – word toegeken aan 'n lid wat spesifiek uitgestaan het deur die jaar. Hierdie is 'n trofee-erkenning anders as die standaard meriete toekennings.

**Rietvalleiertjie van die Jaar** – word toegeken aan die jeuglid wat nie geskroom het om gedurende die jaar navore te kom en hulp te verleen nie. Hierdie is 'n trofee-erkenning anders as die standaard meriete toekennings.

# Inhoudsopgawe

- Rietvallei bestuur
- Redaksioneel
- Pitkos
- Lief en Leed
- Briewekolom
- Kampnuus
  - \* Bosveld Oase – April
  - \* Drie Berge – Mei
- Senior Burger hoekie
- Jeugnuus en –dinge
- Toekennings
- Verjaarsdae
- Haak die woonwa
- Knuppeldik
- Op ligte noot
- Kampprogram
- Adverteer



## Rietvallei Bestuur 2012/13

### Voorsitter

Tjaart Klaasen 082 785 6895  
tjaartjk@absa.co.za

### Ondervoorsitter

Hennie Engelbrecht 082 601 5914  
henniee@netactive.co.za

### Penningmeester

Lucille van den Berg 082 784 8528  
lucille227@gmail.com

### Sekretaris

Marietjie Klaasen 072 423 6445  
mmklaasen@gmail.com

### Redakteur

Erna Koekemoer 082 324 3396  
koekeem@gmail.com

### Kampkoördineerder

Hans Koekemoer 082 5657896  
erhans@absamail.co.za

### Jeugverteenwoordiger

Wayne Botha 083 607 0928  
wayne@witklippies.co.za

### Senior Burgerverteenwoordiger

Margriet van den Berg  
082 586 0480  
wavdberg@telkomsa.net

### SAWA Webblad:

[www.sawa.org.za](http://www.sawa.org.za)

## Redaksioneel

Tydens ons onlangse kuier by ons kinders op die plaas in die Suidkaap, gesels ons oor die komende somervakansie wat hulle by ons hier in die Noorde wil kom deurbring. En die eerste versoek is: 'Kan ons asb gaan kamp? Soek solank vir ons kampplek'. Dis al so deel van ons gesin vir meer as 30 jaar en die skoonseuns en kleinkinders is net so lief vir hierdie leefwyse. Ons los die televisie by die huis, lees nie koerant nie en geniet net mekaar en die natuur ten volle. Die laataand saamkuier met jou kinders om 'n kampvuurtjie bring al die herinneringe van jare na vore en verstewig net weereens die gesinsbande. Dit is 'n kosbare voorreg.

# Pitkos

Here, U weet beter as ek self dat ek ouer word en een van die dae regtig oud sal wees. Moenie dat ek 'n praatsieke ou vrou sal word nie. Behoed my veral van die nare gewoonte om oor elke onderwerp en by elke geleentheid my opinie te lug. Verlos my van die kompulsie om ander mense se sake vir hulle uit te stryk. Maak my iemand wat in stilte nadink oor dinge, sonder om dikbekkerig te wees; iemand wat graag help, maar nie 'oorneem' nie.

Met my jarelange lewenservaring en wysheid is dit 'n jammerte dat ek nie al my kennis met almal kan deel nie – maar, Here, 'n mens wil darem ook aan die einde nog 'n paar vriende oorhou...

Raak my verstand aan sodat ek nie so vashaak by eindelose besonderhede as ek 'n storie vertel nie. Gee my vlerke om vinnig by die punt uit te kom. Here, gee my die genade om na ander se skete en pyne te luister, maar sluit my lippe as ek oor **my** ellendes wil kla.

Die gebreke van die ouderdom word daaglik meer, en soos die jare verbygaan, word dit al lekkerder om 'n lys daarvan af te rits vir enigeen wat wil luister. Help my asseblief om dit geduldig – en met humor! – te verdra sonder om dit vir almal uit te blaker. Ek dink nie dit sal help om te vra dat my geheue verbeter nie, maar help my ten minste om met groter nederigheid en minder skerpheid te reageer wanneer my herinneringe nie ooreenstem met die feite wat ander onthou nie. Leer my dat dit inderdaad moontlik is dat ek soms verkeerd mag wees...

Hou my redelik vriendelik, Here! Nie dat ek 'n heilige wil wees nie – dis meesal maar swaar om met hulle saam te leef – maar 'n suur ou mens is een van die duiwel se meesterstukke... Skenk my die vermoë, Here, om eerder die goeie raak te sien op onverwagte plekke en in onwaarskynlike mense.

En, o Here, gee my die sjarme om dit gereeld vir hulle te sê.

*Gebed van 'n 17<sup>de</sup>-eeuse non*

## Geestelike wenke

- Voed jou geloof en jou twyfel sal sterf van die honger.
- Die beste manier om iemand 'terug te kry' is om te vergewe.
- Tensy jy die hele skepping kan skep in 5 dae, is dit miskien nie so 'n goeie idee om vir God voor te skryf nie.
- God gee altyd Sy beste aan hulle wat die keuse aan Hom oorlaat.
- 'n Drukkie is 'n groot geskenk! 'One size fits all'.
- Dank God vir wat jy het en vertrou Hom vir wat jy benodig.
- Indien iemand iets slegs van jou sê, leef so dat niemand dit glo nie.
- Liefde is die enigste ding wat verdeel kan word sonder dat dit minder word.
- Neem tyd om te lag want dit is die musiek van die siel.
- Ons neem vanselfsprekend aan die dinge waarvoor ons moet dankie sê.

**Mag God deur sy Heilige Gees in ons harte heers!**

## Lief...

- Henk en Glenn Kahts se jongste dogter, Jani, is op 3 Mei getroud met Keith Pietersen.
- Sieg en Annatjie Maritz se eerste kleindogter, Emma, is op 2 Mei gebore. Geluk aan die hele familie.
- Twee van ons Rietvallei lede het met hul nuwe woonwaens by die afgelope kampe opgedaag – Willem en Sonja de Jongh asook Ben en Alta van Eeden.
- Hennie en Annemarie gaan oupa en ouma word, ons vertrou alles gaan goed met die swangerskap.
- Annatjie Maritz het haar opvolg uitslae gekry en die vorige chemo en behandeling was suksesvol en uitslae is nog positief.
- Die Kruinetoer was 'n groot sukses en almal het veilig en gesond teruggekeer. Lees meer daaroor in die Senior Burger hoekie.

## en leed

- Marili Klaasen het bosluiskoors gehad en het ook 'n klein operasie ondergaan.
- Ann Steward is terug na 'n 4 maande kuier maar het ongelukkig verskeie inbrake gehad terwyl sy weg was.
- Gideon en Helena van Zijl se nuwe sleepvoertuig is net na Bosfontein kamp gesteel, met al die kamptoerusting wat nog na die kamp daarin was.
- Lucille van den Berg se moeder het 'n teruggeslag gehad na nierstene en 'n operasie. Ons vertrou sy het heeltemal herstel.
- Wimpie Mynhardt het 'n spatjaaroperasie ondergaan.

## Uit ons lede se pen...

*Willem Momberg skryf:*

Ek koop 'n karavaan en my eggenote en ek begin reis in ons pragtige land, ja, elke klein dorpie word besoek. Munisipale karavaanparke is nog oral net reg vir die swerwers. Ons kamp te lekker, somtyds is dit net ons twee in die park. Somtyds kuier die munisipale amptenaar wat die geld kom invorder tot laataand. Hulle is in baie opsigte uitgehonger vir vreemde geselskap.

Omstandighede verander egter vinnig en drasties, sodat ons besef ons kan nie meer alleen rondreis nie, so sluit ons in Nov 1998 by SAWA aan na keuring. Eers is ons by Kiepersol streek en later by Rietvallei streek, waar ons van ons gelukkigste kampervarings beleef het. Ons maak vriende oral in ons land want die Sawanante is gelowig, fatsoenlik en besadig wat lief is vir die natuur. In ons omswerwinge ondervind ons wonderlike ervarings met mede-kampers soos in Arebusch by Windhoek.



n Jongman trek in en by hom is sy vrou en moeder. Dis 'n ou Gypsey woonwa en die motor se nommerplaat is die van Mosselbaai. My groot mond (soos my vrou altyd sê) sê ek..'dag vriend, jy kom ver', en hy antwoord 'nee, dis nie so ver nie'. Ek merk later hy slaan 'n klein tentjie op, en omdat daar slegs ons twee waens is en hulle daar is nooi ek hulle om later by ons te kuier.

Ons het vriende saam met ons gehad in hulle woonwa, dit was die tweede woonwa. Die jongman, op my uitnodiging antwoord dat hy oor niks kan gesels nie, net oor die Here Jesus. My antwoord is kort en saaklik dat dit geen probleem is nie want ons twee woonwaens vat elke aand saam boeke soos die gebruik is by SAWA. Later blyk dit dat hierdie man 3 grade by Stellenbosch Universiteit verwerf het en in sy eie woorde ..'Oom, ek het geglo ek is 'n Christen, maar God het my met skok wakker geskud en ek het werklik bekeernd geraak'.

Dankie SAWA vir die voorbeeld in alle opsigte van fatsoenlikheid en medeliefde. Onbaatsugtigheid is ook 'n besondere eienskap van die Sawanante.

Op toer met 23 of 27 waens, ek is nie meer seker nie, breek een van die toerlede se voertuig naby Edenburg in die Vrystaat. Dis nie net 'n effense onklaarraking nie. Die toerlid, self 'n motorwerktuigkundige, besluit om maar terug te keer na sy tuiste. Hou in gedagte dat hierdie toergroep kom van dwars oor die Transvaal. Telefoonoproepe na alle groot stede bring geen hoop vir 'n onderdeel, dit kan slegs van Port Elizabeth verkry word. Die toerleier neem die geselskap na Gariiep waar oornag sal word. Hy en nog 'n lid keer terug na ons toermaats, haak die woonwa en voertuig en bring die vriende na Gariiep.

Alles word herorganiseer na besluit is dat hierdie stukkende voertuig en woonwa gesleep gaan word tot in Port Elizabeth. By General Motors word hierdie voertuig binne twee ure herstel en die toer gaan voort.

Net buite Swellendam slaan 'n ander toerlid se motor bearings. Die motor word ingesleep na 'n herstelfirma wat onderneem om onmiddellik aan die werk te spring. Die woonwa word ingesleep na Swellendam se woonwapark en die res van die toer gaan na Melkbosstrand aan die Weskus. Om vyfuur die volgende dag lui die toerleier se foon en word meegedeel dat die motor herstel is en gehaal kan word. Die lid (reeds oorlede) keer terug na Swellendam, gaan haak ons vriende se woonwa aan sy eie motor en hulle gaan na Melkbosstrand waar hulle by ons aansluit en die toer gaan voort.

Is daar nog enigiets wat kampeerdere verhinder om lid van SAWA se familie te word?

# Kampnuus



**Bosveld Oase**, 'n woonwapark geleë slegs 15 minute se ry buite Brits in die stil, rustige en intieme bosveld omgewing van Mamogaleskraal, is vir die eerste keer deur Rietvallei besoek gedurende die naweek van 19 April 2013.

Alhoewel dit reënerig en koud was, het dit nog steeds nie ons 11 gesinne / lede gekeer om te gaan kamp nie. Danksy die lowergroen gras het nie een in modder gestaan nie. Die ablusies was onverbeterlik en die rustigheid van die oord was baie nodig na so 'n laaaang week.

Vrydagaand kon elkeen hul eie hamburger bou, al is die vleis onder die Gazebo gebraai, waarna sommige dit langs 'n kampvuur gewaag het tot laataand. Saterdag is rustig verkeer en gewag dat die reën moet ophou, sommige is dorp toe en het eerder in die Mall gaan rondloop terwyl een selfs vir 'n paar uur gaan werk het, en die agtergeblewenes is deur die oord genooi om vir middagete sop en sjerrie te geniet in hul kroeg (moet sê dit was die paar rand werd). Nietemin, die weer het gedraai en so is Saterdagdaand rustig afgesluit met 'n boekevatsessie en paar buurmanbraaie.



Sondag het ons langs die onderdak swembad heerlik na die Boodskap geluister, 'n paar afkondigings is gedoen, Klaus het die naweek afgesluit met gebed en daarna het ons saam ontbyt onder die bome genuttig en almal is weer veilig tuis gewees.

Hierdie is beslis 'n kamp wat ons weer kan oorweeg vir 'n winter-naweek (koelte is maar skraps vir 'n somerkamp. *Tjaart en Marietjie Klaasen*

# DRIE BERGE 17-19 MEI

Toe die twee kampkommandante en hulle eggenotes so skuins na 10:00 by die kampplek opdaag is daar reeds twee woonwaens staan gemaak, Wim en Margriet vd Berg asook Fanie en Elsette Jacobs was besig om hulle kappietent gereed te kry. Nie lank hierna het die waens begin aankom en het elkeen die staanplekkie van hulle keuse gekry. Omdat die kampterrein al langs die rivier geleë is, was die kampeerders genoodsaak om oor 'n uitgestrekte gebied te kamp. Van die Rietvalleiers het uit eie keuse twee of drie saam op dieselfde staanplek ingetrek. Daar kon nog steeds saam gekuier word sonder om te ver te loop.



Om 18:00 is weggeleë aan heerlike dik groentesop en 'n broodjie. Verskeie tweede rondtes is gemaak sodat min sop oorgebly het. Hierna was dit tyd vir Boekevat voordat elkeen die lekker knus binnekant van hulle woonwaens gaan opsoek het om weg te kom van die bytende aandluggie. Tjaart Klaasen, wat met twee siek vrouens by die huis gesit het, het sy opwagting gemaak om vinnig 'n paar dringende reëlings te tref voordat hy huiswaarts gekeer het. Hy kon darem sy honger stil met die lekker sop.

Saterdagoggend na ontbyt word Ben van Eeden gelukkig met sy verjaarsdag met sang en nog sang totdat die koek en tee/koffie geniet word. Hierna gaan stap 'n paar van die energieke senior burgers teen die berg op. Die roete wat gevolg word, word deur die oordbestuur as 'n 5 kilometer sirkelroete beskryf. Die stappers ontdek teen Ouberg dat daar baie te sien is, veral as jy fyn oplet na die klein plante wat versteek is tussen die klippe. Soos daar hoog op teen die berghang gevorder word, verander die plantegroei wat meebring dat daar 'n baie groot verskeidenheid bome gesien kon word. Na twee ure se rustige stap kom die stappers weer by die kamp uit, net betyds vir middagete. Die middag word oor en weer gekuier totdat dit tyd geword het vir die buurmanbraai. Nadat die bure hulle self in groepe om die braaiers geskaar het en die vure brand gemaak is, word daar eers Boeke gevat voordat die braai in alle erns begin. Heerlike saam eet en kuier het al so deel geword van Rietvallei se mense dat die twee baie belangrike rugbywedstryde geen verskil gemaak het nie. Die kuier was beslis belangriker as die rugby!

Sondagoggend word die diens behartig deur Jacques Fourie waarna die afsluiting deur Hans Koekemoer behartig word. 12 Rietvalleiers het die naweek by Drie Berge deurgebring en 3 gesinne het as gaste saamgetrek. Jake Erasmus het die naweek op gepaste manier met gebed afgesluit waarna 'n heerlike 'brunch' geniet is. *Jake en Ina Erasmus & Fanie en Alida Venter*

# Senior Burgerhoekie

Die Kruinetoer, onder leiding van Neels en Rina de Klerk asook Wim en Margriet vd Berg, en die senior burgers is gedurende April/Mei onderneem en was volgens terugvoer 'n baie besondere en suksesvolle toer. Die reis het die toerlede op ver paaie, deur dele van Mpumalanga en Limpopo, geneem en besondere ervaringe is gedeel. Die toerlede was Neels en Rina de Klerk, Wim en Margriet van der Berg, Henry en Roekie Hill, Ben en Alta van Eeden, Tinus en Tersia Fourie, Henk en Glenn Kahts, Fanie en Alida Venter, Jake en Ina Erasmus (Rietvalleiers) asook Johann en Alta Lemmer en Martiens en Marie de Swardt van Streek Kiepersol.

Daar is talle besienswaardighede besoek oral waar hulle wile gedraai het. Onder andere is by Graskop en Kaapse Hoop gaan stap en die pannekoekpaleis besoek (natuurlik is eet 'n belangrike deel van so 'n toer). Die African Silk sywurmplaas is besoek waar op groot skaal met sywurms geboer word. Die besoekers word goed ingelig aangaande sywurms, hoe om die verskil tussen mannetjies en wyfies vas te stel en te hoor watter kos hulle eet (moerbeiblare van die Suid-Afrikaanse boom maar ook blare van bome uit Thailand en Taiwan). Eiland Spa met sy besondere atmosfeer was ook op die toerprogram en die groep geniet die groot woonwapark met die baie mense wat hier kom hiberneer. Party soek die sauna, stoombad en binne- en buite swembaddens op. Ander besoek "Coach House" en "Miami" waar lekkers en geblikte produkte gekoop word.

Te midde van al die genietinge word daar gereeld volgens SAWA tradisie Boekevat gehou en ook 'n Kerkdiens bygewoon. Magoebaskloof Ruskamp is dan ook in die reisplan ingesluit en verskeie besienswaardighede word besoek asook van die mooi watervalle in die omgewing (soos op foto regs). Die Modjadji Natuurrreservaat naby Duiwelskloof en die Broodboomwoud is 'n besoek werd met die honderde broodbome, sommige duisende jare oud en nog ouer.



Daarna na die groot kremetartboom wat meer as 46 meter in omtrek is. Binne in die boom is 'n kroeg wat 12 mense kan huisves. Marekele was volgende op die program wat dan ook die laaste skof en oornagplek van die toerprogram was.

*Bogenoemde is geneem uit die nuus wat Johann Lemmer gereeld op Facebook geplaas het. Ons dank aan Johann wat ons tuisblylede so op hoogte gehou het.*

## Enkele fotos van die Kruinetoeer



Die toergroep onder leiding van Neels de Klerk



Was Tannie Rina se oë groter as haar maag?  
Hopelik het Wim en Margriet gehelp eet

Henry en Roekie, Alet, Marie en MC by die Lisbon en Berlyn watervalle



Tydens 'n besoek aan Graskop het die groep gaan pannekoek eet



Margriet wens Ina Erasmus geluk met haar verjaarsdag

# Jeugnuus en -dinge



Soek die 10 plaie in die woordblok

- Bloed
- Paddas
- Muggies
- Steekvlieë
- Pes
- Swere
- Hael
- Sprinkane
- Duisternis
- Dood
- Eersgeborene

M	D	D	U	I	S	T	E	R	N	I	S
D	E	F	K	B	F	G	C	V	P	M	T
S	P	R	I	N	K	A	N	E	E	U	E
K	F	A	D	R	D	S	G	B	S	G	E
I	J	F	D	H	S	E	F	E	B	G	K
E	Q	G	S	D	O	O	D	D	D	I	V
T	F	K	K	H	A	G	T	J	F	E	L
E	E	I	L	B	F	S	G	N	J	S	I
T	R	E	R	T	S	L	D	Q	B	P	E
E	E	R	S	G	E	B	O	R	E	N	E
N	W	E	R	A	H	B	T	R	E	S	G
W	S	A	H	E	A	D	D	E	O	L	B

Verbind die kolletjies



RaisingOurKids.com

# Rietvallei toekennings

Bywoningsplaatjies toegeken aan lede:

Lede	Streek	Algemeen
Willem en Sonja de Jongh	20	
Reinier en Lucille van den Berg	50	
Tjaart en Marietjie Klaasen		100
Ben en Alta van Eeden	70	
Fanie en Alida Venter	110	
Henk en Glenn Kahts	40	

## Verjaarsdae

April	Mei	Junie
Devan Marneweck	Anria Kahts	Annatjie Maritz
Elsabe Grobler	Ben van Eeden	Ben de Klerk
Fritz Crous	Charne Botha	Ettienne de Klerk
Ina Erasmus	Chris Delpont	Johan de Jongh
Jaco vd Berg	Elize vd Berg	Linda van Vuuren
Jak Wagenaar	Elzette Jacobs	Rudie Crous
Johan Grobler	Ingrid Maas	
Larine vd Berg	Justin Beukman	
Lucille vd Berg	Marie de Klerk	
Marcelle vd Berg	Michael Beukman	
Marietjie Klaasen	Nellie Stander	
Mynhardt Marais	Reinier vd Berg	
Richard Botha	Waldo van Zyl	
	Wayne Botha	



# Haak die wa...

## Wenke vir die versorging van woonwaens se bande

Al hoe meer woonwaens en sleepwaens word deesdae met vakansies gebruik en die mees verwaarloosde items aan dié voertuie is gewoonlik die bande. Om te voorkom dat 'n vakansie ramspoedig begin of eindig, het Continental Bande die volgende wenke saamgestel:

- **Berging:** Wanneer 'n voertuig vir lang tye geparkeer word, vervorm die band se karkas op die plek waar dit teen die grond druk. Dit, sowel as die uitwerking van ultravioletstrale en osoon, kan veroorsaak dat die band 'n permanente plat kol vorm wat die band verswak en daartoe kan lei dat dit faal sodra die voertuig weer gebruik word. As 'n woonwa of sleepwa vir lang tydperke staan, behoort die asse op blokke of stutte geplaas te word. Die wiele met die bande op behoort dan in 'n koel en droë plek weg van regstreekse sonlig gestoor te word. Daar moet gesorg word dat die bande tot die normale drukking gepomp is voordat dit gestoor word.

- **Balansering:** Die wiele moet gebalanseer word. Dit voorkom vibrasie en dat die bande oneweredig afslyt.

- **Wiele:** Die bande van wiele wat vir lang tydperke nie gebruik word nie, behoort van die vellings afgehaal te word sodat die vellings vir roes of krake nagegaan kan word. Die gate vir die wielmoere moet ondersoek word om te kyk of daar enige slytasie is wat deur los wielmoere veroorsaak word. Voordat die bande weer teruggeplaas word, moet die vellings met 'n roesbestande middel behandel word indien nodig.

- **Kleppe:** Die kleppe en doppies van binnebandlose bande behoort voor elke reis nagegaan te word en moet minstens elke twaalf maande vervang te word.

- **Banddruk:** Bande is ontwerp om 'n bepaalde gewig teen 'n bepaalde spoed te kan dra. Enige verandering in gewig maak dit noodsaaklik dat of die band se drukking of die spoed of albei aangepas word. Woonwaens en sleepwaens word dikwels gebruik om oormatige vragte te dra. Dit is geweldig belangrik dat die vervaardiger se handboek geraadpleeg word en dat die vrag, banddruk en snelheid volgens hulle aanbevelings aangepas word.

- **Gereedskap:** Onthou om altyd 'n domkrag en moersleutel vir die sleepvoertuig sowel as die woonwa of sleepwa saam te ry.

- **Wielmoere:** Gaan die wielmoere van die woonwa of sleepwa na ná die eerste 150 km van die reis en draai hulle stywer vas indien nodig.

*Inligting soos deur Continental Bande*

# Knuppeldik

## Wildsblad/boud

Wildsblad/boud

Growwe sout

Swart peper

Salad dressing

Spare rib marinade

'n paar geblikte pynappelringe

Swaargewig foelie.

Smeer die foelie (groot genoeg om dit te kan toemaak - blink kant na binne) met bietjie olyfolie.

Plaas die wildsblad/boud op die foelie.

Neem growwe sout na smaak en vryf dit in die wildsblad/boud.

Meng n bietjie 'salad dressing' (french of Italian) en Spare Rib marinade en verf dit lekker dik aan die boud/blad.

Strooi swart peperkorrels na smaak oor die blad/boud en pak die pynappelringe op die boud/blad.

Maak alles mooi toe met die foelie en sit dit op die braairooster.

'n Weber-tipe skottelbraaier werk beter, dan kan jy die braaier toemaak.

Onthou dat die kole nie te warm moet wees nie.

Laat kook die blad/boud vir 3 ure in die skottelbraaier.

Bedien met 'n lekker potbrood...



## Kaaskoek in 4 minute!

- \* 1 liter jogurt van jou keuse
- \* 1 blikkie kondensmelk
- \* tenniskoekies

Metode:

Krummel die koekies onder in 'n bak. Meng die jogurt en kondensmelk. Gooi die mengsel op die koekies in die bak. Sit in die mikrogolf vir 4 minute in siedaar!

Haal die kaaskoek uit die mikrogolf en sit in die yskas totdat dit lekker koud is. En geniet!

# Op ligte noot



Blondie stap een aand rond in die stad opsoek na blyplek. Teen 'n lamppaal is 'n advertensie opgeplak wat lees "woonstel te huur".



"Wonderlik, ek het dringend 'n woonstel nodig!" en sy klop aan die paal, maar niemand antwoord nie. So doen sy dit 'n paar keer en 'n Bloubul supporter aan die oorkant van die straat hou haar al 'n geruime tyd dop en besluit om ondersoek te gaan instel. Die blondie vertel hom toe wat aangaan.

Die Bloubul supporter kyk toe so na haar en toe na die paal en sê: "Maar dit kan nie wees nie, die lig brand, so daar moet iemand tuis wees!".

**O**u boer gaan dokter toe met 'n maagprobleem.

Dokter sê: "Jy sal 'n *scope* moet sluk, Oom!"

Oom bly so 'n rukkie stil...

"Boet ek is 'n kerkmens, kan ek nie maar eerder 'n *Landbou-Weekblad* sluk nie?"

Die tannie het 'n gehoorstuk gekry maar sukkel 'n bietjie om te hoor. Sy lê weer 'n besoek af by die oudioloog om te kla oor die nuwe gehoorstuk.

'Tannie, wat doen 'n 'suppository' in tannie se oor?

My wêreld dokter, dan weet ek nou waar is my gehoorstuk'.

In a convent in Ireland, the 98-year-old Mother Superior lay dying. The nuns gathered around her bed trying to make her last journey comfortable. They tried giving her warm milk to drink but she refused it.

One of the nuns took the glass back to the kitchen. Then, remembering a bottle of Irish Whiskey that had been received as a gift the previous Christmas, she opened it and poured a generous amount into the warm milk. Back at Mother Superior's bed, they held the glass to her lips. The frail nun drank a little, then a little more and before they knew it, she had finished the whole glass down to the last drop. As her eyes brightened, the nuns thought it would be a good opportunity to have one last talk with their spiritual leader .

" Mother," the nuns asked earnestly, "Please give us some of your wisdom before you leave us."

She raised herself up in bed on one elbow, looked at them and said:

' DON'T SELL THAT COW'.

# Kampprogram April-Sept

## July

S M T W T F S

24-28  
**Manyane**  
**Snr Burger en**  
**Kuiersaamtrek, aangebied**  
**deur Bosveld**

## August

S M T W T F S

4-7  
**Hartbeeshoek**  
**Senior Burgersaamtrek**  
 8-11  
**Drie Berge**  
**AJV Streekskamp**

## September

S M T W T F S

13-14  
**Shangrila Innie Bos**  
**Streekskamp**  
 13-14  
**Koppisol**  
**(Nasionale saamtrek)**

## Oktober

S M T W T F S

11-12  
**ATKV Buffelspoort**  
**Kongres**  
 18-19  
**Klein Paradys (Brits)**

## November

S M T W T F S

8-9  
**Jeugkamp en afsluiting**  
**Hartbeeshoek**

## Desember

S M T W T F S

**Skoolvakansie**  
**Geen kampe**

## Adverteer

### *Foil Forever*

Verskaffers van unieke kamp produkte

Aluminium coated awnings / seile



Aluminium Hammers



Skokbrekers vir toue



Tel: 083 654 6549

Email: foil@tinel.co.za

www.tinel.co.za

# RT INSTALLATION AND MAINTENANCE

[www.rtinstallation.co.za](http://www.rtinstallation.co.za)

Tel: +27 12 997 4722, Fax: +27 86 6499 588, Cell: +27 82-601-5914

(Hennie)

- ❖ Digital CCTV Monitoring System
- ❖ Photo ID System
- ❖ Biometrics Recognition System
- ❖ Access Control System
- ❖ Time and Attendance Monitoring Systems
- ❖ Guard Monitoring System
- ❖ Boom gates, Anti-Bandits door, turnstiles and etc.
- ❖ Parking Systems
- ❖ Electric Fencing
- ❖ Gate Motors
- ❖ Intercoms



## Caravans/Woonwaens @ Montana

BREEDTSTAAT MONTANA PARK

Sel: WILLIE 0827223925 / WIMPIE: 0769309634

RITA (TENITE) 0826514774

E-mail: [willie@zawireless.co.za](mailto:willie@zawireless.co.za)

Webtuiste: [www.caravans-montana](http://www.caravans-montana)

### VERKOPE

### DIENS

### HERSTELWERK

### TENT HERSTELWERK

#### • VERKOPE VAN SKOON GEBRUIKTE WOONWAENS

Ons het altyd voorraad van topgehalte gebruikte woonwaens. Alle waens deur ons verkoop ondergaan 'n A – Z ondersoek en word volledig gediens en geseël en dra 'n 6 maande waarborg

#### • IS JOU WOONWA TE KOOP – LAAT ONS DIT NAMENS JOU BEMARK

#### • VERSIENING VAN WOONWAENS

Ons doen roetine dienste op woonwaens – was en poleer- diens van hoekstutte-koppelstang-wiellaers en nog baie meer

#### • HERSTEL EN VERANDERINGS AAN WOONWAENS

Ons verrig 'n wye verskeidenheid van herstelwerk aan woonwaens soos houtrot, haelskade ens. asook herstelwerk vir al die versekeringsmaatskapye. Ons bou ook LUGVERSORGERS EN ELEKTRIESE YSKASTE in

#### • TENT HERSTELWERK

Herstelwerk aan tente en seile, vervanging van ritsluiters en gaas ens. Maak van nuwe tente, Rally tente, sykante, pale en tentsakke asook spesiale pennesakke ens. Ons doen ook weerkaats seile van versterkte materiaal

**KLIENTE DIENS IS ONS LEUSE**